

سنه لکی در سعادت ایچون مجیدیه  
یکرمی غروش حسابیه التمش  
غروشدر

طشره ایچون پوسته اجر قی اوله رق  
اون بش غروش ضم اولنور

نسخه سی ۴۰ پاره در

# تذکره محاکمه علییه

آبونه اولق ایستینلر دائره عدلیه ده  
اداره مخصوصه سنه مراجعت  
ایملیدر

اعلاناک بهرندن بر مجیدیه اخذ  
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## توضیحات

پرزرین سنجانی بدایت محکمه سی جزا دائره سی  
ریاستی طاشلیجه سنجانی بدایت محکمه سی جزا  
دائره سی رئیس حسین افندی به  
طاشلیجه سنجانی بدایت محکمه سی جزا دائره سی  
ریاستی پرزرین سنجانی بدایت محکمه سی جزا  
دائره سی رئیس نافذ افندی به  
پرزرین سنجانی بدایت محکمه سی مدعی عمومی  
معاونلکی سنیچه سنجانی بدایت محکمه سی مدعی  
عمومی معاونی لقی افندی به  
سنیچه سنجانی بدایت محکمه سی مدعی عمومی  
معاونلکی پرزرین سنجانی بدایت محکمه سی مدعی  
عمومی معاونی حسین عونی افندی به  
مرسین سنجانی بدایت محکمه سی جزا دائره سی  
ریاستی دراج سنجانی بدایت محکمه سی مدعی  
عمومی معاونی حافظ درویش افندی به  
دراج سنجانی بدایت محکمه سی مدعی عمومی  
معاونلکی طرنوه قضاسی بدایت محکمه سی جزا  
دائره سی رئیس حسن محی الدین افندی به  
طرنوه قضاسی بدایت محکمه سی جزا دائره سی  
ریاستی مکتب حقوق شاهانه مأذونلرندن اسماعیل  
حق افندی به  
عثمانیه قضاسی بدایت محکمه سی جزا دائره سی  
ریاستی قره قریه قضاسی بدایت محکمه سی مدعی  
عمومی معاونی ابراهیم حق افندی به  
قره قریه قضاسی بدایت محکمه سی مدعی عمومی  
معاونلکی مکتب حقوق شاهانه مأذونلرندن احمد  
لمی افندی به  
داری دره قضاسی بدایت محکمه سی مدعی عمومی  
معاونلکی روپجوز قضاسی بدایت محکمه سی مدعی  
عمومی معاون سابق واصف افندی به  
قوچانه قضاسی بدایت محکمه سی مدعی عمومی  
معاونلکی قولاشین قضاسی بدایت محکمه سی  
مدعی عمومی معاونی یوسف کمال افندی به

قولاشین قضاسی بدایت محکمه سی مدعی عمومی  
معاونلکی مکتب حقوق شاهانه مأذونلرندن  
مسعود سعدالدین افندی به  
شیاق قضاسی بدایت محکمه سی مدعی عمومی  
معاونلکی قوچانه قضاسی بدایت محکمه سی مدعی  
عمومی معاونی ادیب افندی به  
لوروس قضاسی بدایت محکمه سی مدعی عمومی  
معاونلکی عثمانیه قضاسی بدایت محکمه سی مدعی  
عمومی معاونی عبدالحفیظ افندی به  
عثمانیه قضاسی بدایت محکمه سی مدعی عمومی  
معاونلکی مکتب حقوق شاهانه مأذونلرندن علی  
رضا افندی به تفویض بیورلمش ومومی الیهمدن محلف  
اولیان مسعود و علی رضا و اسماعیل حق و لمی افندی لک  
علی الاصول امر تحلیقلری در دست اجرا بولنمشدر.

## محاکمه و مقدمات

محکمه تمیز استدعا دائره سندن تنظیم واعطا  
اولنان اعلامدر :

سرفیچه سنجانی بدایت محکمه سی جزا دائره سندن  
استینافاً لاحق اولوب ۱۲ شباط سنه ۳۲۲ تاریخده  
تفهیم قلنان قرار ی ناطق ۱۲ شباط سنه ۳۲۲ تاریخی  
و ۶۷۸ عددلی اعلامک تمیزاً تدقیقی مستدعی  
قوزانه نک پو طراس قریه سنده مقیم حیدربک طرفندن  
معطی ۱۳ شباط سنه ۳۲۲ تاریخی استدعایه و اوراق  
متفرعه سی باش مدعی عمومیک مأموریت بهیه سنک  
۲۲ مایس سنه ۳۲۳ تاریخی تبلیغنامه سی ایله محکمه  
تمیز استدعا دائره سنه تودیع اولمش ولدی التدقیق  
استدعایه مذکورک مدت وشروط قانونیه سنه موافق  
اولدینی اکلاشلمش اولغله بالقبول تدقیقات تمیزیه  
اجرا سنه ابتدار قلندی  
اعلام مذکورک مالی صالح بن مصطفانک سرقت  
اولنان بررأس زاغارینی مسروق اولدینی بیلهرک  
آلدینی ادعاسیله مظنون عایه اولان مومی الیه حیدر

بکک اون بش کون مدتله حبسنه دائر لاحق اولان  
حکم ابتدائی علیهنده اقامه اولنان استیناف دعواسی  
اوزرینه اجرا قلنان محاکمه سی نتیجه سنده مومی الیه  
درمیان ایتدیکی اعتراضاتک ردیه جرم ایله جزا  
بیننده نسبت عادلله کور یله مدیکسندن اعلام ابتدائی  
مزبورک تعدیلاً تصدیقی صورتیه برهفته مدتله حبسنه  
ومسروق زاغار موجود ایسه عیناً صاحبیه اعاده سنه  
دکل ایسه قیمتی اولان اوج ایرانک تضمینه قرار  
ویرلیدیکسندن عبارت بولنمشدر

لایحه تمیزیه ده محکمه استینافیه جه درمیان اولنان  
اسباب قانونیه دن طولای اعلام ابتدائیک نسینده  
یکیدن تحقیقات ومحاکات اجرا واسباب موجب بیان  
اولنمشیزین اعتراضاتک غیر وارد اولدینی وجرم ایله  
جزا بیننده نسبت عادلله کور یله مدیکی بیانیله تعدیلاً  
تصدیقی صورتیه واسباب مسروده نک فسخ حکمی  
موجب اولمادینی بیانیله قرار ویرلمسی وختم محاکمه نک  
تفهیم اولنمامسی کیفیاتندن واولماباده کی افادات  
واعترضاتک خلاصه درج ایدلیدیکی کبی اعتراضاتک  
ردی حقنده دخی اسباب موجب بیان ایدلیدیرک  
اعلامک تعدیلاً تصدیقه قرار ویرلمش اولدیغندن  
وافادات سائرده دن بحثله اعلام استینافی مذکورک نقضی  
استدعا اولنمشدر

تبلیغنامه ده دخی لایحه تمیزیه ده درمیان اولنان  
ایکینجی اعتراضاتک بحا کورلیدیکی جهته ذکر اولنان  
اعلامک نقضی طلب اولنمشدر

ایجابی لدی المذاکره میزبه اولان اعلام استینافی  
مؤداسندن منفهم اولدینی اوزره محکمه استینافیه جه  
مستأنف طرفندن سرد اولنان اعتراضاتک غیر وارد  
اولوب جرم ایله جزا بیننده نسبت عادلله کور یله مدیکسندن  
بحثله اعلام ابتدائی مزبورک تعدیلاً تصدیقی صورتیه  
اعطای قرار اولمش ایسه ده مستأنف جانبدن درمیان  
اولنان اعتراضاتک نه دن عبارت ونه جهته غیر وارد  
اولدینی وتعدیلاً تصدیق ایدلیدیکی حقنده برکونه  
اسباب موجب بیان ایدلیدیرک بروجه محرر قرار  
ویرلمسی یولسر و اصول وقانونه مغایر اولوب لایحه



تمیزیه ده بوجهتله دایر درمیان اولنان اعتراضات بجا و نقض حکمی موجب اسباب قانونیه دن کورنش اولدیفندن اصول محاکمات جزاییه قانوننک اوجیوز اون دردنیجی و اوجیوز اون طقوزنجی ماده لری احکامنه توفیقاً سالف الذکر اعلام استینافنک نقضه و تمیز جزای تقدیمی اولقی اوزره عدلیه وزنه سینه مودوع بش ایرادن اشبو تمیز اعلامی خرجی اولان ایکی یوز غروشک بالتوقیف متباقینسک مستدعی مومی الیه رد و اعاده سینه ۱۸ خزیران سنه ۳۲۳ تاریخنده متفقاً قرار ویرلدی .

-----

بطران قریه لی محمدی قتل ایتدیکی ادعا اولمسندن دولای جنایتله اتهام اولنان عمرک اون بش سنه مدته کورکه قولنسنه دایر لازستان سنجاغی بدایت محکمه سی جزا دایر مسندن ویریلان ۳۰ نومرولی اعلام آق طوغان قریه لی محمد کریمه سی بهینی طاشله جرح ایدره ک وفاته سیبیت ویردیکی ادعا اولمسنندن دولای جنایتله اتهام اولنان اون برایشنده محمد علینک حین ایقاع جریده صبی بولندینی جهته قرقنجی ماده قانونیه نک برنجی فقره سنه تطبیقاً کفالت قویه به ربط ایله ابوینه تسلیمه و ابراز کفالت ایدمه دیکی تقدیرده برسنه مدته حبس ایدلسنه دایر قسطنطونی ولایتی استیناف محکمه سی جزا دایره سندن ایکنجی دفعه اوله رق ویریلان ۱۴۶ نومرولی اعلام

یوسف اوغلی مصطفای قتل ایتدیکی ادعا اولمسنندن دولای جنایتله اتهام اولنان حسنک اون بش سنه مدته کورکه قولنسنه دایر آقره ولایتی استیناف محکمه سی جزا دایره سندن ویریلان ۳۴ نومرولی اعلام

کاتب اوغلی احمدی جرح ایتدیکی ادعا اولمسنندن دولای جنایتله اتهام اولنان کور محمدک اوج سنه مدته کورکه قولنسنه دایر سیواس ولایتی استیناف محکمه سی جزا دایره سندن ویریلان ۲۱۴ نومرولی اعلام

صبری بکی قتل ایتدکلی ادعا اولمسنندن دولای جنایتله اتهام اولنان مصطفانک اون بش و ابراهیم و سحاقک اوجر سنه مدته کورکه قولنلرینه و ذکیکنک دخی برائته دایر قدس شریف سنجاغی بدایت محکمه سی جزا دایره سندن ویریلان ۲۵۶ نومرولی اعلام محکمه تمیز جزا دایره سنجه تصدیق قلمشدر .

-----

۶۵۸ نومرولی نسخه ده مندرج در سعادت

جنایت محکمه سی اعلامنک مابعدی :

۳۰ کانون ثانی سنه ۳۲۲ تاریخلی ضبط ورقه سنده

داخل اولدینی حالد صولدن صاغه طوغری سطحی قا یاره سی بولندینی و مذکور آتاتک قطع ایتماسندن متولد حدت و شدتله بوننه دهشتله حواله ایدلکدن عمود فقرینسک قطعه رقیه سنسک اوجنجی فقره سی جبقارلغله برابر نفاع شوکی و شریان سباتی ایتمی قطع ایتدیکنک و بونی معقب حصوله کلان نرفدن وفاتنک وقوع بولدیفسک منظم اولدینی و آلت قاطعه نک قا اولدینی حقدنه بوغازی قطع ایتماسندن قناعت کلدیکی و مرقومه بشقه کونه فعل اجرانسه دایره برکونه اثر و علامت کوریه مدیکی و انجیق صاغ انده آلت قاطعه جرحه سی کوریلوب بونک مدافعه نفسنه محمول ایدوکی محرر بولنش و مهماردن رضانک اکتسا ایلکده اولدینی عباتک متعدد محاررلنده کوریلان اینجه سیاهلنک کوزله و برتوسوز و معیارات کیمویه ایله اجرا قتلان معاینه سنده قانندن نشأت ایتله لکلر اولمادیفنک تین ایتدیکی مکتب طیبیه شاهانه کیمیاخانه سندن معطی ۲۷ مایس سنه ۳۲۳ تاریخلی راپور صورتنده بیان قلمنش و اوراق دعوی میاننده موجود و مظنون علیهمانک مهرلری حاوی اخبار نامه نک ۲۸ کانون ثانی سنه ۳۲۲ تاریخنده تنظیم قلمنش و شیلله قائم مقامغه ارسال اولنش ایدوکی اکلاشلمشدر

قراات اولنان ضبط ورقرلی ایله راپور مندرجاتنه قارشو نه دیه چکلری مهماردن صورلدقده بولنردن رضا وقه کونی کندوسنده یالکز اککک بیجاغی اولوب آلت قتل دینیلان قا نرفنده بولمادینی و دیگر متهم اسماعیل برشیدن معلوماتی اولمادینی بیان ایتدیله ولدی السؤال مظنون علیهما علی و بکر افندیله دخی مساعد هواده شیلله یدی سکر ساعته کیدلکده اولدینی حالد قیشک شدتی و قارک کثرتی جهتیه زماننده کیده جک برکیمسه بوله مدقارلی سوبدیله ر .

( مابعدی کله جک نسخه یه )

-----

اردم و عارف و کاملک علی رضا افندی به حقارت ایدکلری تین ایدمه دیکندن برائشیرینه سلیمانک امینی ضرب و انچه سنی سرقت ایتدیکی ثابت اولمه دیکندن برائته

دیمترینک توفیلوسی جرح ایدلکیکی ثابت اولمه دیکندن برائته خیری افندیکنک اناستاشای ضرب ایتدیکی و مارقونک ده مزبورنه ک امواله ایراث خسار ایدلکیکی ثابت اولدیفندن خیری افندیکنک بریق آلتون آلتوب مضروبیه ویرلسنه و مارقوندن اون بشلک جزای تقدی آلمسنه بکرک خانه سندن اشیا سرقت ایتدیکی ثابت اولان

توفیقک اوج ماه مدته حبسنه و ختام مدت جزاییه سنده ضابطه جه کفالتله ربطله قوچونک لوتاریه جیلقی ایتدیکی ثابت اولدیفندن بش بشلک جزای تقدی آلمسنه

ساینک نیقولی بی ضرب ایتدیکی ثابت اولدیفندن اون بش کون مدته حبسنه قارلونک دیمستونی جرح ایتدیکی ثابت اولدیفندن بریق آلتون آلتورق مجروحیه ویرلسنه دلیر خاتمک آصف افندی بی ضرب ایتدیکی ثابت اولدیفندن بر آلتون آلتوب مضروبیه ویرلسنه

سینورانک خانسه جاملری شکست ایتدکلری ادعاسیه مظنون بولنلاردن عثمان افندی ایله نائل بک و فیولور حقارنده اجرا قتلان محاکمه عثمان افندیکنک حرکتی ثابت اولدیفندن اون بشلک جزای تقدی آلمسنه و بکرکی غروش جام بداتنک تضمینه دیکرلرینک ده برائته

واسیل نام چوچنی ضرب ایدن علی چوچق و مرقومی ضرب ایدن قسطنینک حرکتلری ثابت اولدیفندن قسطنینک بر آلتون آلتورق علی چوچقه اعطاسنه و علی چوچقه ده با کفالت ابوینه تسلیمه قاتینیه بی ضرب و جرح ایتدیکی ثابت اولان نیقولینک اون بش کون مدته حبسنه

استاورینک جولالیرنی طولاندیردینی تین ایدن رسولک اوج ماه مدته حبسنه و بر آلتون جزای تقدی آلمسنه

آندونی ضرب ایتدیکی ثابت اولان صادقندن بر آلتون آلتوب مضروبیه ویرلسنه

آداما کینک سحاق افندی بی ضرب و جرح و مومی الیه دخی مرقومه اطالیه لسان ایتدکلری ثابت اولدیفندن آداما کینک بر آری و سحاق افندیکنک برهفته مدته حبسیرینه

پترونی ضرب و جرح ایتدیکی ثابت اولان حمدوچک برهفته مدته حبسنه

یکدیگرلی ضرب و جرح ایدکلری تین ایدن توفیق افندی ایله قهوه جی محمد افندیکنک برهفته مدته حبسیرینه

عاصم افندیکنک مجروحیتیه سیبیت ویردیکی ثابت اولان یانینک برهفته مدته حبسنه کرباقونک پولیس احمد افندی به حقارت ایتدیکی ثابت اولدیفندن بر آلتون جزای تقدی آلمسنه محمودک امواله ایراث خسار ایتدیکی ثابت اولان میقودن اون بشلک جزای تقدی آلمسنه

قدری افندی بی ضرب ایتدکلری ثابت اولان ادهم و صبری افندیله ک برهفته مدته حبسیرینه قصه پیرانی مفلس اولدینی ادعاسیه مظنون

قسطنطین بورغار یدبسک حرکتی ثابت اولدیفندن برماه مدته حبسنه

ناتانی ضرب ایدلکیکی تین ایدن آندوندن برلیرا آلتوب مضروبیه اعطاسنه

ادهمی ضرب ایدلکیکی تین ایدن خره لامبودن بر آلتون آلتوب مضروبیه ویرلسنه

قارلونک اوزرنده سلاح طاشیدینی ثابت اولدیفندن بش بشلک جزای تقدی آلمسنه

مالغه نک جاملری قیردینی و خلاف تنبیه اوزرنده سلاح طاشیدینی تین ایدن توفیق افندیکنک اون بشلک جزای تقدی آلمسنه

شاذی بکلک خانه سندن اشیا سرقت ایتدیکی ثابت اولان فیض اللهک الی ماه مدته حبسنه

سلیمان افندی بی ضرب و جرح ایتدیکی تین ایدن کرباقوندن بر آلتون آلتورق مضروبیه ویرلسنه

رضا افندی بی ضرب ایتدیکی ثابت اولان ایلیانک اون بش کون مدته حبسنه

وارطوخی قادیکنک لیل اوله سینه دخول ایتدیکی ثابت اولان بدروسدن اون بشلک جزای تقدی اخذیه برابر بکرکی درت ساعت مدته حبسنه

قدری افندی به حقارت ایتدیکی ثبوت بولان استهردن بر آلتون جزای تقدی آلمسنه

نظمینک قارپوزخی سرقت ایدلکیکی تین ایدن دیبونک برهفته مدته حبسنه

شاکرک خلاف ممنوعیت اوله رق اوزرنده سلاح طاشیدینی ثابت اولدیفندن بش بشلک جزای تقدی آلمسنه بک اوغلی بدایت محکمه سی جزا دایره سنجه قرار ویرلشدر .

## اعلانات

در سعادت بدایت حکمیه سی برنجی مرقوم دایره سنده : لیون اسکله سنده بالموجبی حاجی مصطفی افندیکنک باغچه قوسنده شیخ محمد کیلانی محله سنده متصرف اولدینی لطیف خانی دروننده واقع ۳ نومرولی اوطنه نک انجایه سیله متراکم بدل اینجاریکنک تحصیل حقدنه حاجی اوغلی لازاری مخدومی دامیانوس علینیه اقامه ایدلکیکی دعوا دن طولای در سعادت بدایت محکمه سی برنجی حقوق دایره سندن تنظیم قتلان ورقه دعوتیه اصولاً مدعی علیه مرقومک کدک باشداده طاتی قیوده سمسار ایلیانک خانه سنده کی اقامتگاهیه مذکور خاندکی تجارتگاهیه ارسال قلمنش ایسه ده مذکور دعوتیه مرقومک مذکور محاررده اولیوب اوج ماهدنبرو اقامتگاهیه مجهول ایدوکی بیانییه مذکور محله روم مختاری و مذکور خان اوطنه باشیسی

طرفندن ظهیریه شرح ویریه رک اعاده اولنش و مدعی مصطفی افندی دخی تبلیغاتک اعلان صورتیه لیه اجرانسی طلب ایدره ک طلب واقع اصول محاکمه حقوقیه قانوننک یکرمی سکزنجی ماده سینه موافق کورنش اولدیفندن مذکور ماده موجبیه یوم محاکمه یی مین بکیدن تنظیم اولتوب محکمه دیوانخانه سینه تعلیق قتلان دعوتیه ورقه سنده محرر اولدینی اوزره مرقوم دامیانوس اشبو شهر مارنک اوتوزبرنجی بازار ایرتسی کونی ساعت الی راده لرنده محکمه مذکور ده اثبات وجود ایتسی و ایتدیکی و طرفندن مصدق سنده بروکیل کوندرمدیک حالد دعوی مذکور نک غیاباً رؤیت اوله جنی اعلان اولنور .

-----

ایکنجی بدایت حکمیه سنده :

در سعادت شیرین خاندنه مقیم قومیسو نیلیق ایله مشغل مرزان حسینچینک ۲۷ شباط سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت و تسویسی ضمنتیه اعضای محکمه دن عزتلو سانج بکلک ژورقومیسر و دعوی وکیللردن حسن خیبری بکلک موقت سندیک تمینلرینه و مغازه سیله اشایی زانده بیتیه سنک تمهیریه و اوراق و دفاترینک جلبنه و کفالت مصدقه ارا نه ایدمه مدیکی تقدیرده حبس و توقیفه و بویاده کی قرارک موقتاً اجرانسنه ایکنجی تجارت محکمه سنجه قرار ویرلش اولدیفندن قانوننامه تجارتک ۱۷۰ نجی ماده سی موجبیه دائمی سندیکلر انتخاب اولتی اوزره اشبو ۳۲۴ سنه سی مارتنک اون ایکنجی چهارشنبه کونی ساعت یدی راده لرنده اصحاب مطلوبک محکمه مذکور ده مصالح افلاسیه رؤیتیه مخصوص اوطنه سینه کلری اعلان اولنور .

-----

اهومات شرعیه اجرا دایره سنده :

حلاجی اصنافندن متوفی اسماعیل اغا ورته سنک فاردنه عبیدی صوابی محله سنده ساکنه صوفیا قادین ذمتنده با اعلام شرعی آله جنی اولان مبالغ معلومه نک تأمین استیفاسی ضمنتیه مدیونه مرقومه نک عهده سنده اولوب اشبو دینی مقابلنده مرهون و فروختی محکوم بولنان خطب قیوسی قیرنده صاری تیمور محله سنده کراسته جیلر جاده سنده واقع اوجیوز سکسان درت نومرو ایله مرقم بر باب وقف کراسته جی دکانی دروننده موجود بین الاصفاف کدک تعمیر اولنور وقف آلات لازمه معلومه نک نصف حصه شایعه سی بوندن اول لدی المزایده لیرای عثمانی یوزغر وشدن اوج بیک بشیوز



غروش بدل ایله طالبی عهده بنده تقریراتیش اولدیغندن یوزده بش ضم ایله بوندن زیادهیه طالب اولانلرک واطرافلیجه معلومات آلق ایستینلرک اشبو تاریخ اعلاندن اعتباراً اوتوز برکون ظرفنده درسعادت اعلامات شرعیه اجراء ائره سنه مراجعت ایلملری صوک دفعه اوله رق اعلان اولنور .

### محکمہ تجارت اجراء دائرہ سنہ:

ایتالیا دولتی تبعه سندن خایم س . طوله دو قومپانیه سنک نیقولا دامیانوس ذمتده برنجی تجارت محکمہ سی اعلامیه محکوم به اولان آله جفنگ تسویه سی ایچون مدیون مرقومک طوقپود بایزید اغا محله سنده از میرلی زقاغنده ۱ نومرو ایله مرقم فوقنده برصالون واتصالنده برارضیه مغازه سی و آرقه طرفنده بر مقدار بانچه ومشتملات سائرہ یی حاوی شهری ایکی لیرا ایجاره متحمل میخانه ده بروجه ملکیت بر عدد قره کوز شربخانه سی کدکنک یوزیکرمی سهم اعتباریه یکرمی سهمنک سکر ترتیبی ایله ایکی سهم وعلی زاده احمد اغا وقفندن از میرلی میخانه سی ملککنک کذلک یوز یکرمی سهم اعتباریه یکرمی سهم و مذکور میخانه به مقلوب کدکن عاری منزل محلنک اعتبار مذکور اوزره قرق سهم حصه لری بوندن اقدام موقع مزایده یه قونیلهرق لیرای عثمانی یوز غروش حسابیه بشیک غروشدہ طالبی عهده سنده قالمش واشبو مارت رومینک بشندن اعتباراً اوتوز برکونہ یعنی کله جک نیسان رومینک بشنجی جمعه ایرتسی کونی ساعت اونه قدر یوزده بش ضم قبول اولنسی و ذکر اولنان یوم وساعتده صوک مزایده سی بالاجرا قرار قطعسی ویریلهرک طالبی عهده سنه کچورلمسی مقرر بولنمش اولدیغندن و آندن صوکره هرنه ضم وقوع بولور ایسه قبول اولنیه جفندن حصص مذکورہ یه یوزده بش ضم ایله طالب اولانلرک واطرافیه معلومات آلق ایستینلرک بدل مزایده نک عشرینه مساوی پی اچہ سیله برابر مدت مزبورہ ظرفنده محکمہ تجارت اجراء دائرہ سنه مراجعت ایلملری ویوم ووقت مزبورده مذکور میخانه پیشکاهنده مأموری مواجهه سنده حاضر بولنملری اعلان اولنور .

ی . معدنچیدیس ح . قره یانوپلویہ اولان دین محکومندن طولانی اتمکچی قره جه اوغلی محمد اغانک تحتہ قلعہ ده رسم پاشا محله سنده تحتہ قلعہ زقاغنده ۱۷ نومرو ایله مرقم علی التخمین یوز یتیمش بش ذراع عتیق عرصه اوزرینه مبنی فوقنده اخشاب ایکی اوطه وبرخیرخانه یی مشتمل سنوی بشیک غروش

ایجاره متحمل فرونده یوز یکرمی سهم اعتباریه پدری متوفی قره جه حسین اوغلی علی اوسته دن منتقلاً متصرف اولدیغی اون بش سهم حصه سی بوندن اقدام موقع مزایده یه قونیلهرق لیرای عثمانی یوز غروش حسابیه بیک بشیوز غروشدہ داین عهده سنده قالمش و تاریخ اعلاندن اعتباراً اوتوز برکونہ یعنی کله جک نیسان رومینک التجی بازار کونی ساعت اونه قدر یوزده بش ضم قبول اولنسی و ذکر اولنان یوم وساعتده صوک مزایده سی بالاجرا قرار قطعسی ویریلهرک طالبی عهده سنه کچورلمسی مقرر بولنمش اولدیغندن مذکور خانه یه طالب اولانلرک واطرافلیجه معلومات آلق ایستینلرک مدت مزبورہ ظرفنده بدل مزایده نک عشرینه مساوی پی اچہ سیله برابر محکمہ تجارت اجراء دائرہ سنه مراجعت ایلملری ویوم ووقت مزبورده مذکور فرون پیشکاهنده مأموری مواجهه سنده حاضر بولنملری اعلان اولنور .

### درسعادت اعلامات نظامیہ اجراء دائرہ سنہ:

امینه شهرت وخدیجه نظیمه خانملرک اصالة وکفالة خرملبوس اغنا توس افندی یه با اعلام دینلری اولان مبالغه مقابل مرهون وفروختی محکوم بولنان اوچ عدد آلتون ساعت مع قوردون وبر عدد پرلانطه کوکس ایکنه سی وبر عدد پرلانطه طوقه ودرت عدد قروات دوکمه سی که جمعاً درت قلم مجوهراتک تاریخ اعلاندن اعتباراً اوچ کون صوکره یعنی سال حال مارتنک التجی پنجشنبه کونی چارسوی کیرده بدستان داخنده بالمزایده فروخت اولنہ جفی درسعادت اعلامات نظامیه اجراء دائرہ سندن اعلان اولنور .

### آٹنه تجارت محکمہ سنہ:

آٹنه ده طول بدستاننده مانیفاطوره تجارندن عارف زاده اسعدک ۲۲ کانون ثانی سنه ۳۲۳ تاریخندن اعتباراً اعلان افلاسنه ومصالح افلاسیه نک رؤیت وتسویه سی ضمنده اعضای محکمہ دن رفعتلو پانده لی افندینک ژورقومیسر ودعوی وکیللرندن لامع افندینک موقت سندیک تعینلرینه ومغازه سیله اشیا ی زانده بیتیه سنک تمهیرینه واوراق ودفاترینک جلبنه وکفالت مصدقه ارانه ایده مدیکی تقدیرده حبس وتوقیفنه وبوبابده کی قرارک موقتاً اجراسنه آٹنه تجارت محکمہ سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو ۳۲۳ سنه سی شباطنک یکرمی برنجی پنجشنبه کونی ساعت آتی راده لرنده اصحاب مطلوبک محکمہ مذکورہ نک مصالح افلاسیه

رؤیتسه مخصوص اوطه سنه کلری اعلان اولنور .

آٹنه ده طول بدستاننده مانیفاطوره تجارتیه مشغول ایکن آٹنه تجارت محکمہ سندن افلاسنه حکم اولنمش اولان طاهر صویغه ذمتده آله جفی اثبات ویا موقتاً قبول وقید ایتدیرمش اولان آله جقلولرک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفندن تکلیف اولنہ جفی قونقور داتونک مذاکره سی ایچون ۳۲۴ سنه سی مارتنک اوچنجی بازار ایرتسی کونی محکمہ مذکورہ نک مصالح افلاسیه رؤیتسه مخصوص اوطه سنه کلری اعلان اولنور .

### قوالہ تجارت محکمہ سنہ:

درامده مقیم وبقالق ایله مشغول آناسطاش پاپادیترینک ۱ شباط سنه ۳۲۳ تاریخندن اعتباراً اعلان افلاسنه ومصالح افلاسیه نک رؤیت وتسویه سی ضمنده اعضای محکمہ دن پریکلی استمطیادی افندینک ژورقومیسر ودعوی وکیللرندن یا قو ذکی افندینک موقت سندیک تعینلرینه ومغازه سیله اشیا ی زانده بیتیه سنک تمهیرینه واوراق ودفاترینک جلبنه وکفالت مصدقه ارانه ایده مدیکی تقدیرده حبس وتوقیفنه وبوبابده کی قرارک موقتاً اجراسنه قواله تجارت محکمہ سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره اشبو ۳۲۴ سنه سی مارتنک التجی پنجشنبه کونی ساعت آتی راده لرنده اصحاب مطلوبک محکمہ مذکورہ نک مصالح افلاسیه رؤیتسه مخصوص اوطه سنه کلری اعلان اولنور .

### برہ ناحیه سی بدایت محکمہ اجراء دائرہ سنہ:

برہ ناحیه سنک پاپاسلق قریه سی ساکنلرندن وتبعه دولت علیه دن استراتی ویرانه نک مساعره قریه سی ساکنلرندن نیقوله فلاشچی ذمتده با اعلام محکوم به مطلوبنک تأمین استیفاسی ضمنده محجوز اولوب مزایده یه حیقاریلان حلقه موقعنده ۱ نومرو لی برقطعه زیتونلیکی اوچیک یدیوز غروشدہ طالبی عهده سنده تقرر ایدهرک موقتاً قراردادده سی کشیده قلمش اولدیغندن تاریخ اعلاندن اعتباراً اوتوز برکون ظرفنده یوزده بش ضم ایله طالب اولانلرک برہ ناحیه سی بدایت محکمہ سی اجراء دائرہ سنه مراجعت ایلملری اعلان اولنور .